

黃氏逸書考

高密遺書

甘泉黃奭校

孫淵如觀察撰鄭司農年譜成自德州寄浙示元屬元商訂之其中據太平廣記三國志注引司農別傳以司農爲丁卯歲七月戊寅生爲近年言鄭氏學者所未及上元談階平廣文適在杭州元屬其以四分術推朔閏知司農生於漢順帝永建二年七月五日與別傳相合

無疑又海寧孝廉方正陳鱣亦舊撰司  
農年譜未及觀察之詳備然亦有可采  
擇者元乃加以補益并談君所推驗者  
訂爲一卷付之梓人且於七月五日肇  
祀司農於詒經精舍焉在德州按字者  
爲台州洪頤煊在杭州按字者爲湖州  
張鑑並識之嘉慶十四年中秋日揚州  
阮元序

鄭元字康成北海高密人也八世祖崇哀

帝時尚書僕射

後漢書本傳世說新語文學篇注引高士傳唐史承

節鄭公

祠碑

鄭沖之孫

賈公彥周禮疏

案漢書鄭崇傳崇字子游本高密大族  
父賓明法律爲御史崇哀帝擢爲尚書  
僕射沖之名不見於史

順帝永建二年丁卯一歲

鄭康成以永建二年七月戊寅生

太平廣記二百

十五引

別傳

元以太歲在丁卯生

三國志魏少帝紀注引別傳

案後漢書順帝紀永建二年秋七月甲

戌朔日有食之則君爲七月五日生也

談泰曰范史章帝紀元和二年二月甲

寅始用四分術終漢之世未聞改法則

算康成生年月日宜以四分爲準今依

本法細推更以史證之順帝紀書春正

月戊申疑脫一朔字丁卯爲月之二十

二日甲辰爲月之二十八日夏六月

乙酉爲月之十一日秋七月甲戌朔正

合志五行同壬午爲月之九日庚子爲月之

二十八日辛丑爲二十九日天文志二

月癸未爲月之七日閏月乙酉恐有舛

誤紀書六月乙酉則閏六月必無乙酉

當作六月爲近或乙爲己之譌是年閏

六月五日己酉乙己字形相近也或疑志書

閏月在二月後當爲閏二月則又不然

史書閏月皆不言何月亦非盡承上文  
之月攷光武帝建武三年紀書閏月在  
正月後通鑑目錄載閏二月八年紀書

閏月在四月後日錄載閏六月如斯之類未可悉數唯建武十九年紀書閏月在四月後日錄亦載閏四月安帝永初二年紀書閏月在七月後日錄亦載閏七月延光三年紀書閏月在十月後日錄亦載閏十月此則承上文者至順帝錄亦載閏十月此則承上文者至順帝陽嘉四年紀書秋七月己亥下文書閏月丁亥朔則己亥距丁亥四十九日閏七月爲丁亥朔則七月必無己亥故日錄云閏八月此支干顯然不合者且承建丁卯果閏二月八月乙巳爲月之二月內亦無乙酉也

日劉註引古今注云丁巳未詳何月三

月十一日五月十二日閏六月十三日

皆丁巳也又云七月丁酉爲月之二十

四日又云九月戊寅爲月之八日合觀  
紀志所書與四分術多同若通鑑目錄  
載二月丁丑朔四月丙子朔七月甲戌  
朔九月癸酉朔十一月壬申朔竝同四  
分唯稱五月乙亥朔則是年五月丙午  
朔六月乙亥朔殆誤先一月又稱閏五  
月則是年閏六月亦誤先一月也果閏  
五月則乙亥爲閏五月朔不當又稱五  
月乙亥朔未免自相矛盾此蓋因天文



志閏月乙酉遷就求合而不知先與本  
紀六月乙酉不合況推是年六月二十  
九日癸卯大暑中氣近晦七月初一日  
甲戌處暑中氣在朔而中間一月十五  
日己未立秋只一節氣其爲閏六月最  
確倘閏五月則有節有中於閏法未協  
又月內有乙酉而六月反無乙酉矣劉  
氏旣載七月一日處暑則置閏必在六  
月而不在五月此淺而易見者不知何

以誤推也至袁宏後漢紀作七月丙戌朔則月內無壬午與紀不符且紀志均書甲戌朔袁又何所據而頓改之或係傳寫之失亦未可定要之甲戌朔合於四分則七月五日戊寅爲鄭公生日無疑

四分上元庚辰下距後漢順帝永建二年丁卯積九千四百〇八算以元法四千五百六十除之餘二百八十八不滿

紀法一千五百二十以部法七十六除  
之得三部不盡六十入天紀辛酉部六  
十年減一年餘五十九年以章月二百  
三十五乘之得一萬三千八百六十五  
滿章法十九得七百二十九爲積月不  
滿十四爲閏餘是年有閏以部日二萬  
七千七百五十九乘積月得二千〇二  
十三萬六千三百一十一滿部月九百  
四十得二萬一千五百二十七爲積日

不滿九百三十一爲小餘積日滿六十  
去之餘四十七日又九百四十分日之  
九百三十一命辛酉算外得年前十一  
月戊申朔遞加二十九日又九百四十  
分日之四百九十九

續志脫  
九字

得各朔

置年數五十九以日

續志作  
月誤

餘一百六

十八乘之得九千九百一十二滿中法

三

續志作  
四誤

十二得大餘三百〇九小餘

二十四大餘滿六十去之得九日又三

十二分日之二十四命辛酉算外得年  
前天正冬至庚午日爲丙寅十一月二  
十三日遞加十五日又三十二分日之  
七得各氣

正月

戊申朔小

大四十七

小四十九

初九日

丙辰立春

大五十五

小三十三

廿四日

辛未雨水

大十

小十二

二月

丁丑朔大

大十六

小五十八

初十日

丙戌驚蟄

大二十五

小二十七

廿六日壬寅春分 大四十一 小二

三月丁未朔小 大四十六 小一百零七

十一日丁巳清明 大五十六 小九

廿六日壬申穀雨 大六十一 小十六

四月丙子朔大 大五十五 小六十六

十二日丁亥立夏 大六十二 小三十三

廿七日壬寅小滿 大四十一 小三十三

五月丙午朔小 大四十五 小一百零六

十三日戊午芒種 大五十七 小五

廿八日癸酉夏至 大二十 小二十

六月乙亥朔大 大四十 小十六百六

十四日戊子小暑 大二十 小十九

廿九日癸卯大暑 大四十 小二十六

閏六月乙巳朔小 大四十 小十二百二

十五日己未立秋 大五十 小一

七月甲戌朔大 大三十 小七百二

初一日甲戌處暑 大三十 小八

十六日己丑白露 大二十 小五

八月甲辰朔小 大四十三 小二百八十一

初一日甲辰秋分 大四十三 小二十二

十六日己未寒露 大五十八 小二十九

九月癸酉朔大 大二十二 小七十八

初三日乙亥霜降 大四十四 小四

十八日庚寅立冬 大二十九 小十一

十月癸卯朔小 大四十二 小三百三十九

初三日乙巳小雪 大四十四 小八十一

十八日庚申大雪 大五十九 小二十五



十一月

壬申

朔大

十一

小八百三十八

初四日

乙亥冬至

大五十五

小無

二十日

辛卯小寒

大十三

小七

十二月

壬寅

朔小

大四十一

小三百九十七

初五日

丙午大寒

大四十五

小四十四

二十日

辛酉立春

大無

小二十一

三年戊辰二歲

四年己巳三歲

五年庚午四歲

六年辛未五歲

陽嘉元年壬申六歲

二年癸酉七歲

三年甲戌八歲

元八九歲能下算乘除

大平廣記二百十五引別傳

元少學書數

世說新語文學篇注引別傳

案世說新語注引別傳此句在十三四前當指八九歲時事

四年乙亥九歲

永和元年丙子十歲

二年丁丑十一歲

三年戊寅十二歲

元年十二隨母還家正臘讌會同列十餘人皆美服盛飾語言閑適元獨漠然如不及母私督數之乃曰此非我志不在所願

也後漢書本傳注北堂書鈔一百五十五藝文類聚五太平御覽三十二太平廣

記二百十五引別傳

案後漢書注太平廣記引別傳作年十

四年己卯十三歲

十三誦五經好天文占候風角隱術

世說新語

文學篇注  
引別傳

五年庚辰十四歲

六年辛巳十五歲

漢安元年壬午十六歲

元年十六號曰神童民有獻嘉禾者異本  
同實縣欲表府文辭鄙畧元爲改作又著

民國甲戌年譜

十江都朱氏

頌一篇侯相高其才爲修冠禮

補刊太平御覽五百八十

入又入百三十九又九百七十八引別傳

案太平御覽五百八十八引嘉禾作嘉

瓜

二年癸未十七歲

元年十七在家見大風起詣縣曰某時當

有火災宜祭燿禳廣設禁備時水果起而

不爲害

世說新語文學篇注太平御覽入百六十八事類賦注引別傳

案世說新語注引末句作至時果然智

者異之

建康元年甲申十八歲

齊帝永嘉元年乙酉十九歲

齊帝本初元年丙戌二十歲

元少爲鄉嗇夫得休歸嘗詣學官不樂爲

吏父數怒之不能禁

後漢書本傳北堂書鈔七十七引續漢書

爲嗇夫隱恤孤苦閭里安之家貧雖得休

暇嘗詣校官誦經

袁宏後漢紀

案爲嗇夫雖不知何年別傳云年二十

一去吏當爲年二十以前事故列于此  
桓帝建和元年丁亥二十一歲

杜密遷北海相行春到高密縣見鄭元爲  
鄉佐知其異器卽召署郡職遂遣就學

後漢

書杜密傳

太守杜密異之爲除吏錄使得極學

袁宏後漢

紀  
年二十一博極羣書精秣數圖緯之言兼  
精算術遂去吏師故兗州刺史第五元先

就東郡張恭祖受周禮禮記春秋傳周流博觀每經歷山川及接顏一見皆終身不

忘

世說新語文學篇注引別傳

遂造太學受業師事京兆第五元先始通京氏易公羊春秋三統秣九章算術又從

東郡張恭祖

碑作欽祖

受周官禮記左氏春秋

韓詩古文尙書

後漢書本傳唐史承節鄭公祠碑北堂書鈔七十七

引續漢書

案從東郡張恭祖必非一年中事今姑



連文錄之太平御覽五百九引高士傳

云學孝經論語兼通京氏易公羊春秋

三正秣九章算術周官禮記左氏春秋

二年戊子二十二歲

三年己丑二十三歲

和平元年庚寅二十四歲

元嘉元年辛卯二十五歲

二年壬辰二十六歲

景興元年癸巳二十七歲

二年甲午二十八歲

永壽元年乙未二十九歲

二年丙申三十歲

三年丁酉三十一歲

延熹元年戊戌三十二歲

二年己亥三十三歲

以山東無足問者乃西入關因涿郡盧植

事扶風馬融

後漢書  
本傳

元之右扶風事南郡太守馬融

袁宏後  
漢紀

去山東而入關右因盧植而見馬融唐史承節

鄭公祠碑

扶風馬季長以英儒著名元往從之世說新語

文學篇注引別傳

融高才博洽爲世通儒教養諸生常有千

數涿郡盧植北海鄭元皆其徒也後漢書馬融傳

盧植字子幹涿郡人也少與鄭元俱事馬

融後漢書盧植傳

植師事扶風馬融與北海鄭元友善袁宏後漢

紀

案後漢書馬融傳桓帝時爲南郡太守  
忤梁冀旨免官髡徙朔方赦還復拜議  
郎重在東觀著述以病去官融之赦還  
當在梁冀死後梁冀以是年伏誅融拜  
議郎以病去官歸關中別傳云元在融  
門下七年融以延熹九年卒始事融當  
在此兩年間

三年庚子三十四歲

年譜

十四

四年辛丑三十五歲

融門徒四百餘人升堂進者五十餘生融素驕貴元在門下三年不得見乃使高弟子傳授於元元日夜尋誦未嘗怠倦會融集諸生考論圖緯聞元善算乃召見於樓

上元因從質諸疑義

後漢書本傳

融門徒甚盛弟子以次相授至三年不得見元講習彌篤晝夜不倦融見奇之引與

相見

袁宏後漢紀

季長后戚媵於待士元不得見仕左右自  
起精廬旣因紹介得通時涿郡盧子幹爲  
門人冠首季長又不解剖裂七事元思得  
五子幹得三季長謂子幹曰吾與汝皆弗  
如也

世說新語文學  
篇注引別傳

鄭元在馬融門下三年不得相見高足弟  
子傳授而已嘗算渾天不合諸弟子莫能  
解或言元能者融召令算一轉便沒衆咸

駭服

世說新語文學篇太平御  
覽二百九十一引語林

鄭康成師馬融三載無聞融鄙而遣還元  
過樹陰假寐見一老父以刀開腹心謂曰  
子可以學矣于是寤而卽返遂洞精典籍

太平廣記二百  
十五引異苑

五年壬寅三十六歲

六年癸卯三十七歲

七年甲辰三十八歲

八年乙巳三十九歲

在門下七年以母老歸養

酒譜引  
別傳

問畢辭歸融喟然謂門人曰鄭生今去吾

道東矣

後漢書本傳

季長臨別執元手曰大道東矣子勉之

世說

新語文學篇注引別傳

自篇籍之奧無不精研歎曰詩書禮樂皆

以東矣

袁宏後漢紀

及元業成辭歸既而融有禮樂皆東之歎恐元擅名而心忌焉元亦疑有追乃坐橋下在水上據屐融果轉式逐之告左右曰



元在土下水上而據木此必死矣遂罷追

元竟以得免

世說新語文學篇太平御覽三百九十一引語林

融歎曰詩書禮樂皆以東矣潛欲殺元元知而竊去融推式以算元當在土木上躬

騎馬襲之元入一橋下俯伏柱上融踟躕

橋側曰土木之間此則是矣有水非也從

此而歸元用免焉

太平廣記二百十五引異苑

案世說新語注云馬融海內大儒被服

仁義鄭元名列門人親傳其業何猜忌

而行鳩毒乎委巷之言賊夫人之子  
九年丙午四十歲

永康元年丁未四十一歲

靈帝建寧元年戊申四十二歲

三載在門十年歸邑

唐史承節  
鄭公祠碑

元自游學十餘年乃歸鄉里家貧客耕東  
萊學徒相隨已數百千人

後漢書  
本傳

案自辭融又三年方歸鄉里戒子書云  
游學周秦之都往來幽并兗豫之域獲

觀乎在位通人處逸大儒得意者咸從  
捧手有所受焉正在此時故鄭公祠碑  
亦云十季歸邑史承節撰碑謝承華嶠  
司馬彪張璠諸書尙未亡其言必有所  
據戒子書又云年過四十乃歸供養假  
田播殖以娛朝夕亦謂此也

二年己酉四十三歲

三年庚戌四十四歲

四年辛亥四十五歲

及黨事起乃與同郡孫嵩等四十餘人俱

被禁錮遂隱修經業杜門不出

後漢書本傳

會黨事起而元教授不輟弟子數百人

袁宏

後漢紀

後遇黨錮隱居著述凡百餘萬言

世說新語文學

別傳

遭黨錮之事逃難注禮

唐會要七十七孝經正義引鄭君白

序

為記注時就盧君耳先師亦然後乃得毛

公傳記古書

毛詩燕燕正義引鄭志

案後漢書靈帝紀建寧二年制詔州郡大舉鈞黨於是天下豪傑及儒學行義者一切結爲黨人四年大赦天下唯黨人不赦故君稱禁錮以此年爲始嵩字賓石北海人見後漢書趙歧傳

時任城何休好公羊學遂著公羊墨守左氏膏肓穀梁廢疾元乃發墨守鍼膏肓起廢疾休見而歎曰康成入吾室操吾矛以

伐我乎

後漢書本傳藝文類  
聚五十五引別傳

何休木訥多智三墳五典陰陽算術河洛  
讖緯及遠年古諺歷代圖籍莫不咸誦也  
門徒有問者則爲注記而口不能說作左  
氏膏肓公羊廢疾穀梁墨守謂之三闕元  
理幽微非知機藏往不可通焉及鄭康成  
鋒起而攻之求學者不遠千里羸糧而至  
如細流之赴巨海京師謂康成爲經神何

休爲學海

王嘉拾  
遺記

初中興之後范升陳元李育賈逵之徒爭

論古今學後馬融答北地太守劉瓌及元

答何休義據通深由是古學遂明

後漢書本傳

於是鍼左氏之膏肓起穀梁之廢疾而又

操入室之戈矛發何休之墨守陳元李育

校論古今劉瓌范升憲章文議

唐史承節鄭公祠碑

案此亦黨錮時事唯不知在何年今姑

依後漢書本傳連文錄之

熹平元年王子四十六歲

二年癸丑四十七歲

三年甲寅四十八歲

四年乙卯四十九歲

五年丙辰五十歲

六年丁巳五十一歲

光和元年戊午五十二歲

光和元年有日食之異植上封事應徵有道之人若鄭元之徒陳明洪範禳服災咎

後漢書  
盧植傳



二年己未五十三歲

三年庚申五十四歲

四年辛酉五十五歲

五年壬戌五十六歲

六年癸亥五十七歲

中平元年甲子五十八歲

靈帝末黨禁解

後漢書本傳

中元初悉解禁錮

袁宏後漢紀

黨錮事解注古文尚書毛詩論語唐會要七十七

引鄭君

自序

案後漢書靈帝紀是年三月壬子大赦  
天下黨人戒子書云遇闔尹擅勢坐黨  
禁錮十有四年而蒙赦令

二年乙丑五十九歲

三年丙寅六十歲

大將軍何進聞而辟之州郡以進權威不  
敢違意遂迫脅元不得已而詣之進爲設  
杖禮待甚優元不受朝服而以幅巾見一

年譜

三

宿逃去時年六十

後漢書本傳北堂書鈔  
百二十六引別傳藝

文類聚六十  
九引續漢書

是時大將軍何進多辟海內名士以爲己  
佐鄭元稱疾不到州郡迫脅不得已元幅  
巾請進進設几杖之禮一宿而退莫知其  
所

袁宏後漢紀太平御  
覽五百九引高士傳

大將軍何進辟元乃縫掖相見元長八尺  
須眉美秀姿容甚偉進待以賓禮授以几

杖元多所匡正不用而退

世說新語文學  
篇注

元已六十餘矣始爲王公辟命一無所就

者

袁宏後漢紀

案時與申屠蟠荀爽同徵黃忠書曰今  
潁川荀爽載疾在道北海鄭元北面受  
署彼豈樂羈牽哉知時不可逸豫也後  
漢紀云六十餘者兼下而言

弟子河內趙商等自遠方至者數千

後漢書本

紀

趙商字子聲河內溫人博學有秀才能講

難而吃不能劇譚

太平御覽七百四十八引鄭君白序

趙子聲遺文書曰北海鄭元字康成學之

淵府今與業共往視之故輩不暇顧命

北堂

書鈔九

十七

趙子聲書詣鄭康成學曰夫學之於人也

猶土地之山川也珍寶於是乎出猶樹木

之有枝葉木根於是乎庇也

太平御覽六百七引抱朴

子

案餘弟子俱見下

四年丁卯六十一歲

五年戊辰六十二歲

中平五年九月己未詔曰頃選舉失所多  
非其人儒法雜揉學道寢微處士荀爽陳  
紀鄭元韓融李楷耽道樂古志行高潔清  
貧隱約爲衆所歸其以爽等各補博士皆

不至

袁宏後漢紀

中平五年蟠復與爽元及潁川韓融陳紀

等十四人並博士徵不至

後漢書申屠蟠傳

荀爽鄭元申屠蟠俱以儒行爲處士累徵

竝謝病不詣

後漢書荀爽傳論

六年己巳六十三歲

後將軍袁隗表爲侍中以父喪不行

後漢書本

傳

袁隗表爲侍中緣喪不赴

唐史承節鄭公祠碑

案後漢書靈帝紀是年四月帝崩太后

臨朝後將軍袁隗爲太傅隗表爲侍中

當在此年四月以前

明年董卓廢立蟠及爽融紀等復俱公車

徵唯蟠不到

後漢書申屠蟠傳

及董卓當朝復禮召之蟠元竟不屈以全

其高

後漢書荀爽傳論

案董卓廢少帝爲宏農王在此年九月

荀爽以十二月戊戌爲司空爽傳云爽

自被徵命及登台司九十五日君與同

徵當卽在九月廢立後

孔融爲北海相到郡薦舉賢良鄭元彭璆



年譜

二四

邴原等

後漢書  
孔融傳

魯國孔融在郡教選計當任公卿之才乃

以鄭元爲計掾彭璆

爲

吏原爲計佐

二國志邴

原傳注引  
原別傳

孔融遷北海相時年二十八舉賢才顯儒

士以彭璆爲方正邴原爲有道王脩爲孝

廉告高密縣爲鄭元特立一鄉名爲鄭公

鄉

三國志崔炎傳  
注引續漢書

國相孔融深敬於元屣履造門告高密縣

爲元特立一鄉曰昔齊桓置士鄉越有君子軍皆異賢之意也鄭君好學實懷明德昔太史公廷尉吳公謁者僕射鄧公皆漢之名臣又商山四皓有園公夏黃公潛光隱曜世加其高皆悉稱公然則公者仁德之正號不必三事大夫也今鄭君鄉宜曰鄭公鄉昔東海于公僅有一節猶或戒鄉人侈其門閭矧乃鄭公之德而無駟牡之路可廣開門衢令容高車號爲通德門

後漢

書本傳太平御覽  
百五十七引別傳

孔融教高密令曰高密侯國賤言鄭公增  
門之崇令容高車結駟之路出麥五斛以  
酬執事者之勞

太平御覽八  
百三十八

案後漢書孔融傳建安元年徵融爲將  
作大匠遷少府張璠漢紀云融在郡八  
年是此年至北海郡也融傳云會董卓  
廢立融每因對答輒有匡正之言卓乃  
諷三府同舉融爲北海相當在九月以

後

獻帝初平元年庚午六十四歲

義兵起董卓乃會公卿議大發卒討之公  
業恐其衆多益橫凶彊難制獨曰東州鄭  
元學該古今北海邠原清高直諒皆儒生  
所仰羣士楷式彼諸將若詢其計畫足知  
強弱彼豈讚成其謀造亂長寇哉後漢書  
鄭太傅  
時鄭元以博學洽聞注解典籍故儒雅之  
士集焉原亦以高遠清白頤志澹泊口無

擇言身無擇行故英傑之士向焉是時海

內清議青州有邴鄭之學

三國志邴原傳注引原別傳

案山東州郡起兵討卓推袁紹爲盟主  
在此年正月

董卓遷都長安公卿舉元爲趙相道斷不

至

後漢書本傳唐史承節鄭公祠碑

案後漢書獻帝紀是年二月丁亥遷都  
長安

一年辛未六十五歲

魏崔炎述初賦曰炎性頑口訥至二十九  
粗閱書傳聞北海有鄭徵君者當世名儒  
遂往造焉道由齊都而作述初賦

藝文類聚二十

七

崔炎字季珪年二十九乃結公孫方等就  
鄭元受學學未期徐州黃巾賊攻破北海  
元與門人到不其山避難時穀糴縣乏元  
罷謝諸生

三國志  
崔炎傳

鄭司農常居不其城南山中教授黃巾亂

乃避遣生徒崔炎王經諸賢於此揮涕而

散所居山下草如薤葉長尺餘許堅韌異

常時人名作康成書帶

後漢書郡國志補注太平御覽三百

八十七太平廣記四百八引三齊略記

鄭元刊注詩書棲遲于黌山上有古井不

竭獨生細草葉似薤俗謂鄭公書帶草

太平

寰宇記十九引三齊記

不其城南二十里有大勞山小勞山在海

側太山自言高不如東海勞昔鄭康成領

徒於此

太平御覽四十二太平寰宇記二十引伏深齊記

案後漢書孔融傳融到郡時黃巾復來  
侵暴融乃出屯都昌爲賊管亥所圍融  
乃求救於平原劉備袁宏後漢紀是年  
七月公孫瓚以劉備爲平原相君之避  
難當在此年郡國志不期東萊郡縣名

屬青州

會黃巾寇青部乃避地徐州徐州牧陶謙

接以師友之禮

後漢書本傳唐史承節鄭公祠碑



鄭元漢末遭黃巾之難客於徐州今孝經序鄭氏所作其序云僕避難于南城之山棲遲巖石之下念昔先人餘暇述夫子之志而注孝經蓋康成允孫所作今西上可二里許有石室焉周迴五丈俗云鄭康成注孝經于此

太平御覽四十二太平寰宇記二十三

案君避寇難當先至不其後至徐州劉子元駿孝經鄭氏非康成注故疑允孫所作

三年壬申六十六歲

董卓被誅催汜作亂陶謙乃與諸豪傑共  
推儁爲太師因移檄牧伯同討李催等奉  
迎天子乃奉記於儁曰徐州刺史陶謙前  
楊州刺史周乾琅邪相陰德東海相劉楨  
彭城相汲廉北海孔融沛國袁忠太山太  
守應劭汝南太守徐璆前九江太守服虔  
博士鄭元等敢言之行車騎將軍河南尹

莫府

後漢書  
朱儁傳

案李傕郭汜作亂在是年六月朱儁傳云李傕用太尉周忠尙書賈詡策徵儁入朝謙等遂罷

四年癸酉六十七歲

興平元年甲戌六十八歲

孫乾字公祐先主領徐州牧辟爲從事注鄭元傳云元薦乾於州乾被辟命元所舉也

二國志  
孫乾傳

案袁宏後漢紀是夏陶謙病死二國志

武紀陶謙死劉備代之

二年乙亥六十九歲

建安元年丙子七十歲

建安元年自徐州還高密道遇黃巾賊

萬人見元皆拜相約不敢入縣境

後漢書本傳北

堂書鈔八十五太平御覽五百四十一引別傳唐史承節鄭公祠碑

元身長八尺秀眉朗目造次顛沛非禮不

動黃巾賊數萬人經元廬皆爲之拜高密

一縣不被抄掠

袁宏後漢紀

案君秀眉朗目晉張湛嘲范甯云漢杜  
子春鄭康成魏高堂隆晉左太沖凡此  
諸賢竝有目疾蓋戲言也

丞相亮時有言公惜赦者亮答曰治世以  
大德不以小惠故匡衡吳漢不願爲赦先  
帝亦言吾周旋陳元方鄭康成間每啟告  
治亂之道悉矣曾不語赦也

華陽  
國志

鄭元在徐州孔文舉時爲北海相欲其返  
郡敦請懇惻使人繼踵又教曰鄭公久遊

南夏今艱難稍平儻有歸來之思無寓人  
於室毀傷其藩垣林木必繕治牆宇以俟  
還及歸教僚屬昔周人尊師謂之尙父今  
可咸曰鄭君不得稱名也

太平廣記 百九十四引商芸

說小

融在北海自以智能優贍溢才命世其所  
任用好奇取異皆輕剽之才至於稽古之  
士謬爲恭敬禮之雖備不與論國事也高  
密鄭元稱之鄭公執子孫禮及高談教令

盈溢官曹辭氣溫雅可玩而誦論事考實

難可悉行

三國志崔炎傳  
注引九州春秋

孔融與諸卿書曰鄭康成多臆說人見其  
名學爲有所出也證案大較要在五經四  
部書如非此文近爲妄矣若子所執以爲

郊天之鼓必當麒麟之皮也寫孝經本當

曾子家策乎

御覽六百八 疏案文選注尸子馬有麒麟書王莽傳  
冠麟草之并李命注鹿皮冠說文麟爲大牝鹿然則數用  
馬皮或鹿皮不爲麟說

案後漢書孔融傳建安元年爲袁譚所

攻自春至夏戰士所餘裁數百人城夜

陷乃奔東山三國志崔炎傳注引張璠  
漢紀曰融在郡八年僅以身免續漢書

曰建安元年徵還爲將作大匠遷少府

劉洪作乾象秣獻帝建安元年鄭元受其

法以爲窮幽極微又加注釋

晉書律  
秣志

元後嘗疾篤自慮以書戒子益恩曰吾家  
舊貧不爲父母羣弟所容去廝役之吏游  
學周秦之都往來幽并兗豫之域獲覲乎  
在位通人處逸大儒得意者咸從捧手有



所受焉遂博稽六藝粗覽傳記時觀祕書  
緯術之奧年過四十乃歸供養假田播殖  
以娛朝夕遇闕尹擅勢坐黨禁錮十有四  
年而蒙赦令舉賢良方正有道辟大將軍三  
司府公車再召比牒併名早爲宰相惟彼  
數公懿德大雅克堪王臣故宜式序吾自  
忖度無任於此但念述先聖之元意思整  
百家之不齊亦庶幾以竭吾才故聞命罔  
從而黃巾爲害萍浮南北復歸邦鄉入此

歲來已七十矣宿素衰落仍有失誤案之  
禮典便合傳家今我告爾以老歸爾以事  
將隱居以安性覃思以終業自非拜國君  
之命問族親之憂展敬墳墓觀省野物胡  
嘗扶杖出門乎家事大小汝一承之咨爾  
熒熒一夫曾無同生相依其勛求君子之  
道研鑽勿替敬慎威儀以近有德顯譽成  
僚友德行立於己志若致聲稱亦有榮於  
所生可不深念邪吾雖無紱冕之緒頗有

讓爵之高自樂以論贊之功庶不遺後人之羞末所憤憤者徒以亡親墳壟未成所好羣書率皆腐敝不得於禮堂寫定傳與其人日西方莫其可圖乎家今差多於昔勤務時無恤飢寒非飲食薄衣服節夫二者尙令吾寡恨若忽忘不識亦已焉哉

後漢

書本傳太平御覽四百五十九又六百五十一引別傳唐史承節鄭公祠堂碑

案此書後漢本傳與別傳鄭公祠碑異

者不爲父母羣弟所容別傳與碑俱無

不字咨爾熒熒一夫別傳咨爾作吾字  
顯譽成僚友碑傳成下俱有于字

獻帝建安元年應劭又刪定律令以爲漢  
議是時天下將亂百姓有土崩之勢刑罰  
不足以懲惡于是名儒大才故遼東太守  
崔寔大司農鄭元大鴻臚陳紀之徒咸以  
爲宜行肉刑漢朝既不議其事故無所用

矣

晉書刑  
法志

案二年始徵大司農此云大司農者由

後人追書當時名儒大才欲復肉刑者以漢末法重欲減死刑之條入于肉刑非增肉刑也魏志鍾繇傳繇欲復肉刑以代死刑亦卽此意晉志有刑罰不足以懲惡之語似但欲增重刑典失其旨矣

二年丁丑七十一歲

時大將軍袁紹總兵冀州遣使要元大會賓客元最後至乃延升上坐身長八尺飲

酒一斛秀眉明目容儀溫偉紹客多豪傑  
竝有才說見元儒者未以通人許之競設  
異端百家互起元依方辯對咸出問表皆  
得所未聞莫不嗟服時汝南應劭亦歸於  
紹因自贊曰故太山太守應中遠北面稱  
弟子何如元笑曰仲尼之門考以四科同  
賜之徒不稱官閎劭有慚色紹乃舉元茂  
才表爲左中郎將皆不就

後漢書本傳太平御覽四百九

十一引別傳唐史承節鄭公祠碑

袁紹一見元歎曰吾本謂鄭君東州名儒  
今乃是天下長者夫以布衣雄世斯豈徒  
然哉及去紹餞之城東必欲元醉會者三  
百人皆使離席行觴自旦及暮計元可飲  
三百餘杯而溫克之容終日無怠世說新  
語文學

篇注北堂書鈔一百四十八引別傳  
太平廣記一百九十四引商芸小說

袁紹延徵北海鄭元而不禮趙融聞之曰  
賢人者君子之望也不禮賢是失君子之  
望也夫有爲之君不敢失萬民之歡心況

於君子乎失君子之望難乎以有爲矣袁

後漢紀三國志袁紹傳注引九州春秋

案後漢書獻帝紀是年三月袁紹自爲大將軍應劭傳建安二年拜劭爲袁紹軍謀祭酒故此時亦在坐也

三年戊寅七十二歲

建安三年徵鄭元爲大司農不至袁宏後漢紀

獻帝在許都徵爲大司農世說新語文學篇注引別傳

公車徵爲大司農給安車一乘所過長吏



迎送元乃以病自乞還家

後漢書本傳唐史承節鄭公祠

碑

大司農徵不至還家

釋文序錄

案鄭公祠碑敘次一依後漢書本傳唯袁紹邀君大會賓客一段在建安元年戒子書之前此徵大司農一段在公卿舉爲趙相之前俱與史傳不合當由錯綜其詞或別有所據不能明也

獻帝時鄭康成州辟舉賢良方正茂才公

府十四辟皆不就

抱朴子逸民篇

公府前後十餘辟竝不就

太平御覽五百九引高士傳

矣今所可知者唯九辟耳

四年己卯七十三歲

五年庚辰七十四歲

三年春夢孔子告之曰起起今年歲在辰

來年歲在巳既寤以讖合之知命當終有

頃寢疾

後漢書本傳唐史承節鄭公祠碑太平御覽四百引續漢書

時袁紹與曹操相拒于官渡令其子譚遣

使偏元隨軍不得已載病到元城縣疾篤

不進

後漢書本傳太平寰宇記二十四引高士傳

爲袁譚所偏來至元城乃注周易

唐會要七十七

引鄭君自序

案時袁譚都督青州袁宏後漢紀建安

四年冬十二月庚辰曹操拒袁紹於官

渡五年十一月戰於官渡紹師大潰相

持一年

其年六月卒年七十四遺令薄葬自郡守

以下嘗受業者縷經赴會千餘人

後漢書本傳也

說新語文學篇注北堂書鈔九十二太平御覽五百四十七又五百五十五引別傳

唐史承節鄭公祠碑

案三國志袁紹傳注云英雄記載太祖作董卓歌辭云德行不虧缺變故自難常鄭康成行酒伏地氣絕郭景圖命盡於園桑如此之文則元無病而卒故載錄之

迺葬於高密縣城西北一十五里礪阜山

之原

唐史承節  
鄭公祠碑

卒葬於劇東後以墓壞歸葬之礪阜郡守  
以下縷經者千餘人礪阜在高密縣城西

北十五里

太平寰宇  
記二十四

濰水逕高密縣故城西濰水又北水西有  
礪阜阜上有漢司農卿冢石碑猶存

水經  
濰水

密州高密縣西有鄭元宅亦曰鄭城元後  
移葬于礪阜墓側有稻田萬頃斷水造

梁歲收億萬世號萬雅梁

太平御覽一百七十九

趙商作鄭先生碑銘

唐會要七十七

案太平寰宇記唐貞觀十一年詔去墓四十步禁樵採焉史承節鄭公祠碑云晉中興戴逵字安道以雞卵汁溲白瓦屑爲公作碑手自書寫文□□□語亦妙絕年代古而碑闕亡承節以萬歲通天元年奉敕於河南道訪察行至州界見高密父老云鄭先生漢代鴻儒見無

碑記不以庸妄遂託爲文碑未建而承  
節卒密州刺史鄭杳以開元十三年終  
其事至金承安五年重刻今碑在祠中  
元唯有一子益恩孔融在北海舉爲孝廉  
及融爲黃巾所圍益恩赴難隕身有遺腹  
子元以其手文似己名之曰小同

後漢書  
本傳唐

史承節鄭  
公祠碑

元一子名益恩

一作  
益思

年二十三相國孔府

君舉孝廉府君以多寇屯都昌爲賊管亥

所圍乃令從家將兵奔救遇賊見害時年  
二十七也妻有遺體生男元以太歲在丁  
卯生此男以丁卯日生生又手理與元相  
似故名曰小同

三國志魏三少帝紀注白  
帖十八太平御覽三百六

七十二又三百  
七十引別傳

太尉華歆表曰伏見故漢大司農北海鄭  
元當時之學名冠華夏爲世儒宗文皇帝  
旌錄先賢拜元適孫小同以爲郎中長假  
在家小同年踰三十少有令質學綜六經



行著鄉邑海岱之人莫不嘉其自然美其  
氣量跡其所履有質直不渝之性然而恪  
恭靜默色養其新不治可見之美不競人  
閒之名斯誠清時所宜式敘前後明詔所  
斟酌而求也臣老病委頓無益視聽謹具

以聞

三國志魏三少帝紀注引魏名臣奏

魏甘露三年八月詔曰關內侯鄭小同温  
恭孝友帥禮不忒其以小同爲五更

三國志三

少帝

續

小同高貴鄉公時爲侍中嘗詣司馬文王  
文王有密疏未之屏也如廁還問之曰卿

兒吾疏乎荅曰不文王曰寧我負卿無卿

負我遂鳩之卒

後漢書本傳注三國志三少帝紀注引魏氏春秋唐

史承節鄭公祠碑

鄭子真則康成之孫也今在陽濯山昔初  
學時正患兩腳不授積年其晚用鍼灸兼  
行曲折祝法百日始除注云鄭元唯有一  
兒爲賊所害有遺腹子名小同耳旣不入

山又復不病腳此子真又非谷口者進退

乖異莫辨質據

真誥協昌期篇

案戒子書作於建安元年時益恩猶在也若依別傳謂死於管亥之難管亥之圍在孔融初到北海一二年時劉備爲平原相至興平元年陶謙死備已代爲徐州牧矣遑復逮及建安乎

凡元所注周易尚書毛詩儀禮禮記論語孝經尚書大傳中侯乾象秣又著天文七

政論魯禮禘祫義六藝論毛詩譜駁許慎  
五經異義荅臨孝存周禮難凡百餘萬言  
後漢書本傳唐史  
承節鄭公祠碑

林孝存以爲武帝知周官末世瀆亂不驗  
之書故作十論七難以排斥之惟鄭元徧  
覽羣經知周禮者乃周公致太平之跡故  
能荅林碩之論難使周禮義得條通

周禮  
疏序

廢  
與

凡所注易尚書三禮論語尚書大傳五經

中候箋毛氏作毛詩譜駁許慎五經異議

鍼何休左氏膏盲去公羊墨守起穀梁廢

疾休見大慚

釋文  
序錄

鄭志目錄記鄭之所注五經之外有中候  
書傳七政論乾象林六藝論毛詩譜荅臨

碩難禮駁許慎異義釋廢疾發墨守箴膏

育荅甄孝然等書

孝經  
正義

案後漢書本傳李賢注云謝承書載元

所注與此略同不言注孝經唯此書有

也本傳無周禮以鄭公祠碑釋文序錄  
孝經正義證之是傳寫脫也所注見於  
此外者隋書經籍志有喪服譜一卷三  
禮圖并阮湛撰九卷春秋左氏分野一  
卷春秋十二公名一卷易緯八卷尚書  
緯三卷禮緯三卷禮記默房二卷日月  
交會圖一卷九宮經三卷九宮行棊經  
三卷駁何氏漢議二卷舊唐書經籍志  
有三禮目錄一卷喪服變除一卷論語

目錄弟子一卷孟子注七卷又有律章

句見晉書刑法志

案元那經後漢書儒學傳作漢律合注

元質於辭訓通人頗譏其繁至於經傳洽

熟稱爲純儒齊魯閒宗之

後漢書本傳

集諸生講論終日

北堂書鈔九十八引別傳

北海有鄭元儒林講堂見鄭元別傳

初學記二

四十

門生相與撰元荅諸弟子問五經依論語

作鄭志八篇

後漢書本傳

鄭君卒後其弟子追論師所注述及應對  
時人謂之鄭志鄭之弟子分授門徒各述

師言編錄其語謂之鄭記

唐會要  
七十七

其門人山陽郝慮至御史大人

後漢書  
本傳

郝慮字鴻豫山陽高平人少受業於鄭元

後漢書孔融傳  
注引續漢書

曹操書曰昔國家東遷文舉盛歎鴻豫名

實相副綜達經學出於鄭元

後漢書  
孔融傳

東萊王基清河崔炎著名於世

後漢書  
本傳



散騎常侍王肅著諸經傳解及論定朝儀  
改易鄭元舊說而基據持元義常與抗衡

三國志  
王基傳

又樂安國淵任嘏時竝童幼年稱淵爲國  
器嘏有道德其餘亦多所鑒拔皆如其言

後漢書  
本傳

國淵字子尼樂安蓋人也師事鄭元

三國志國

淵傳

國淵始未知名元稱之曰國子尼美才也

吾觀其人必爲國器

三國志國淵傳注引別傳

故尙書左丞同縣張逸年十三爲縣小史

元謂之曰爾有贊道之質玉雖美須雕琢

而成器能爲書生以成爾志否對曰願之

乃遂拔於其輩妻以女弟

太平御覽五百四十一引別傳

宋均於詩譜序云我先師北海鄭司農則

均是元之傳業子弟也

唐會要七十七

程秉字德樞汝南南頓人也逮事鄭元後

避亂交州與劉熙考論大義遂博通五經

三國志

程秉傳

初王肅善賈馬之學而不好鄭氏樂安孫叔然授學鄭元之門人稱東州大儒徵爲祕書監不就肅集聖證論以譏短元叔然駁而釋之

三國志  
王肅傳

案弟子自趙商而下如冷剛張逸孫皓劉炎田瓊炅模王瓚見鄭志焦喬汜閣崇精崇勳王權鮑遺陳鏗劉德任厥見鄭記據鄭記則張逸焦喬汜閣田瓊趙

商五人弟子也故荅而不問崇精崇翺  
王權鮑遺陳鏗劉德任厥七人門人也  
故問而不荅親受業者爲弟子轉授者  
爲門人

下相城西北漢太尉陳球墓有三碑一碑  
記弟子盧植鄭元管寧華歆等六十人

御覽五百八十九

九引述征記

鄭元注毛詩曰箋不解此意或云毛公嘗  
爲北海相元是此郡人故以爲敬云

後漢書

宏傳注太平御覽五百九十五引博物志

李歷字季子清白有節博學善交與鄭元

陳紀等相結

後漢書李邵傳

鄭元欲注春秋傳尙未成時行與服子慎  
遇宿舍舍先未相識服在外車上與人說  
己注傳意元聽之良久多與己同元就車  
與語曰吾久欲注尙未了聽君向言多與  
吾同今當盡以所注與君遂爲服氏注

世說

新語文學篇 案文苑  
英華仍引有左傳注

漢時徐州刺史荀文若問元周禮父之讐  
辟之海外今青州人讐在遼東可以王法  
縱不討乎當問之時元已年老昏耄意忘  
九夷八蠻六戎五狄謂之四海然則周禮  
在四海之外辟之如是亦是遠矣近則青  
州遼東作難未達周公聖意所趣周禮調人疏  
邴原欲遠遊學詣安邱孫崧崧辭曰君鄉  
里有鄭君君知之乎原荅曰然崧曰鄭君  
學覽古今博聞強識鉤深致遠誠學者之

師模也君乃舍之躡屣千里所謂以鄭爲東家邱者也君似不知而曰然者何原曰先生之說誠可謂苦藥良鍼矣然猶未達僕之微趣也人各有志所規不同故乃有登山而採玉者有入海而採珠者豈可謂登山者不知海之深入海者不知山之高哉君謂僕以鄭爲東家邱以僕爲西家愚夫耶崧辭謝焉

三國志邴原傳注引原別傳

鄭元家婢皆讀書嘗使一婢不稱旨將撻

之方自陳說元怒使人曳著泥中須臾復  
有一婢來問曰胡爲乎泥中荅曰薄言往  
愬逢彼之怒

世說新語  
文學篇

後漢獻帝皇后父屯騎校尉不其亭侯伏  
完朝賀公庭完拜如衆臣及皇后在離宮  
后拜如子禮三公八坐議或以爲皇后天  
下之母也完雖后父不可令后獨拜於朝  
或以爲當交拜令后存人子之道完不廢  
人臣之義又子尊不加於父母雖曰天王



后猶曰吾季姜欲令完猶行父法后專奉  
子禮公私之朝后當獨拜或以爲皇后至  
尊父亦至親交拜則父子無別拜完則傷  
子道拜后則損至尊欲令公朝者完拜如  
衆臣於公宮后拜如子不知四者何是正  
禮鄭元議曰四者不同抑有由焉天子所  
不臣者三其一后之父母也天子尙不臣  
況於后乎春秋魯隱公二年紀裂繻來逆  
女冬伯姬歸于紀又桓八年祭公來遂逆

王后于紀九年紀季姜歸于京師或言逆  
女或言逆王后蓋義有所見也女雖嫁爲  
鄰國夫人其尊無以加於父母嫁於天子  
者此雖己女成言曰王后明當時之尊得  
加父母也紀季姜歸于京師更稱其字者  
得行禮而戒之其尊安可加父母耶今不  
其亭侯在京師禮事出入宜從臣禮若后  
息離宮及歸寧父母從子禮丞相徵事徵事  
疑作從事邴原駁曰孝經云父子之道天  
或是徵士

性也明王之章先陳事父之孝女子子出  
降其父母婦人外成不能二統耳春秋左  
氏傳曰紀裂繻來逆女列國尊同逆者謙  
不敢自成故以在父母之辭言之禮敵必  
三讓之義也祭公逆王后于紀者至尊以  
無外辭無所屈成言曰王后紀季姜歸于  
京師尊已成稱季姜從紀子尊不加於父  
母之明文也如皇后於公庭宮僚之中令  
父獨拜違古之道斯義何施

通典卷第  
六十七

大司農北海鄭元字康成狀元含海岱之  
純靈體大雅之洪則學無常師講求道奧  
敷宣聖範錯綜其數作五經注義窮理盡  
性也右魏文帝初爲丞相魏王所旌表二  
十四賢後明帝乃述譔其狀見文帝令及

甄表狀

聖賢羣  
輔錄下

奏鄭君所注之書其見於古今著錄之  
家者隋書經籍志尙有尙書義問三卷  
鄭元王肅及晉五經博士孔晁譔又喪

服經傳一卷

此疑卽從儀禮注中抽出

又舊唐書經

籍志有論語釋義注十卷新唐書藝文

志作一卷又梁七錄有鄭元集二卷隋

書經籍志作一卷新舊唐書兩志作二

卷至所注七緯李淑書目有乾鑿度注

二卷宋史藝文志作三卷又通卦驗注

二卷宋史藝文志作二卷又玉海文獻

通考有稽覽圖注二卷書錄解題作三

卷宋史藝文志作一卷又玉海有辨終

備注一卷是類謀注一卷乾元序制記

注一卷坤靈圖注一卷

以上益  
卽易緯

又御覽

卷六百四十八有刑德放注又初學記

卷九有帝命驗注又藝文類聚卷一有

考靈耀注又文選注卷三十六有璇璣

鈴注又晉中經簿有尚書中候注梁七

錄作八卷隋書經籍志作五卷

以上皆  
書緯

又御覽卷一有含文嘉注又文選注卷

三十四有斗威儀注

以上皆  
禮緯

又御覽卷

一有樂緯動聲儀注又新舊唐書兩志

有詩緯注三卷

案文選注引尚書緯注又引春秋緯注後漢書

注引春秋運斗樞注古微書載春秋元命苞注文選注御覽路史並引孝經鉤

命決

又舊唐書經籍志有九旗飛變一

卷又隋書經籍志梁有尚書音五卷孔

安國鄭元李軌徐邈等譔又舊唐書經

籍志有毛詩諸家音十五卷鄭元等注

釋文敘錄作鄭元等九人又梁七錄有

禮記音一卷釋文敘錄同舊唐書經籍

志作二卷新唐書藝文志作三卷又新  
舊唐書兩志有周官音三卷釋文敘錄  
作一卷又梁七錄有儀禮音二卷釋文  
敘錄作一卷釋文敘錄云漢人不作音  
後人所託然相沿已久今亦姑存其舊

焉

案周禮疏又引有爾雅注

唐貞觀二十一年丁未從祀孔子廟

太宗貞觀二十一年二月壬申詔以左邱  
明卜子夏公羊高穀梁赤伏勝高堂生戴



勝毛萇孔安國劉向鄭眾杜子春馬融盧  
植鄭元服虔賈逵何休王肅王弼杜預范  
甯等二十二人代用其書垂於國胄自今  
有事於太學竝令配享宣尼廟堂

舊唐書

處州刺史鄴侯李繁至官既新作孔子廟  
又令工改爲顏子至子夏十人象其餘六  
十子及後大儒公羊高左邱明孟軻荀況  
伏生毛公韓生董生高堂生楊雄鄭元等

數十人皆圖之壁

韓愈處州孔子廟碑

宋大中祥符三年戊申七月戊寅詔封大司農鄭康成高密伯

路振讓後漢大司農鄭元今封高密侯贊  
漢德云年藝文乖舛實生純儒克明大典  
學徒既盛師道益顯疏爵昌辰允彰積善  
宋孔廟從祀先賢先儒贊碑

明嘉靖九年庚寅改祀鄭鄉

至於鄭眾盧植鄭元服虔范甯五人雖若  
無過然其所行亦未能以窺聖門所著亦

能以發聖學若五人皆得預從祀則漢唐  
以來當預者尙多臣愚乞將戴聖劉向賈  
逵馬融何休王肅王弼杜預八人禡爵罷  
祀鄭衆盧植鄭元服虔范甯各祀於其鄉

程敏政宏治元  
年考正祀典疏

案此疏當日實未曾允行然嘉靖間大  
學士張璁之議乃本於此故著之

嘉靖九年大學士張璁言先師祀典有當  
更正者林放蘧瑗盧植鄭衆鄭元服虔范

甯各祀於其鄉初成宏聞少詹事程敏政嘗謂馬融等八人當斥給事中張九功推言之爲禮官周洪謨所郤而止至是以瓊力主衆不敢違

明史禮志

國朝雍正二年甲辰復從祀稱先儒鄭子

案先是秀水朱彝尊議曰鄭氏之功宋儒未有異議乃一程敏政罷之非萬世之公論也同時平湖陸隴其亦曰漢儒鄭康成歷代從祀嘉靖九年以其學未

純改祀於鄉然其所注詩禮現今行世  
程朱大儒亦多采其言恐不當與何休  
王肅輩同置門牆之外至康熙十九年  
國子祭酒王士禎抗疏請增從祀漢則  
田何鄭康成部議未允行至是九卿議  
宜復者六人林放蘧瑗秦冉顏何鄭康  
成范甯皆從祀

王輔嗣注易輒喚鄭元云老奴無意於時  
夜分忽然聞外閣有著屐聲須臾便進自

云是鄭元責之曰君年少何以輕穿鑿文  
句而妄譏誚老子邪極有忿色言竟便退  
弼心生畏惡少時遇癘而卒

幽明錄

達總角時以雞子汁溲白瓦屑作鄭元碑

自書刻之文既奇麗書亦絕妙

晉書戴逵傳

諺曰鄭元家牛觸牆成字

白樂天詩自注

金承安重刻唐萬歲通天史承節撰後漢  
大司農鄭公碑跋漢高密鄭司農祠墓在  
濰水旁礪阜山下承祀式微不能捍采樵

者灘沙乘風內侵其深及牆祠宇頽沒元  
率官士脩之祠南門外積沙深遠遂改門  
東向植松楊行栗于西南以殺風勢修齊  
正殿改書木主增建旁屋三楹爲官吏祭  
宿地建坊書通德門以復孔文舉之舊祠  
外田廬號鄭公莊者三散據高密安邱昌  
邑三縣地鄭氏苗裔百數十人居之務農  
少文而譜系世守猶可考擇其裔孫憲書  
請於禮部劄爲奉祀生給田廬使耕且讀

是役也掘沙之工半於土木趙商漢碑見  
于著錄今求之不得得金承安重刻唐萬  
歲通天史承節所撰碑搨其文讀之知承  
節之文乃兼取謝承諸史非蔚宗一家之  
學其補正范書昭雪古賢心迹非淺也碑  
高六尺三寸廣三尺四寸文廿九行正書  
承節以萬歲通天元年奉勅於河南道訪  
察至高密因父老之請爲文文成未書碑  
而卒開元十三年八月密州刺史鄭杳始



命參軍劉肫刻石于墓唐所刻石今無存  
賴金承安五年三月所重刻知之據金石  
錄云承節碑乃雙思貞行書今金碑改爲  
正書削唐人書碑舊名然其文則皆因唐  
舊無所竄改元以范書鄭康成列傳校之  
傳先始通京氏易碑無先字傳東郡張恭  
祖碑作欽祖傳徵爲大司農及與袁紹之  
會數事碑皆次於與子益恩書前傳故太  
山太守應中遠碑作太山守傳所注周易

尙書毛詩儀禮禮記論語孝經碑多周官  
無論語傳荅臨孝存碑作孝莊傳不爲父  
母羣弟所容碑無不字傳獲覲乎在位通  
人處逸大儒咸從捧手有所受焉碑省其  
文作大儒得意有所受焉傳乃歸供養碑  
作乃歸鄉傳遇閹尹擅勢坐黨禁錮碑載  
其事入銘辭中傳舉賢良方正碑作方正  
賢良傳公車再召碑作再徵傳其勗求君  
子之道碑無其字傳末所憤憤者碑作凡

某所憤憤者傳亡親墳壟未成碑作吾親  
凡此異同比而核之可釋學者積疑蓋有  
三焉司農戒子益恩書乃歸老疾篤時事  
故宜在漢公車徵爲大司農及袁紹邀至  
冀州諸事後而范書反載書文於前使事  
蹟先後倒置一也所注儀禮周官禮記范  
書無周官案司農周官注完善無缺世所  
共學而范書遺之二也爲父母羣弟所容  
者言徒學不能爲吏以益生產爲父母羣

弟所含容始得去厠役之吏游學周秦故  
傳曰少爲鄉嗇夫得休歸常詣學官不樂  
爲吏父數怒之夫父怒之而已云爲所容  
此儒者言也范書因爲父怒而妄加不字  
與司農本意相反三也至于易恭祖爲欽  
祖者金遼顯宗允恭諱也孝存作孝莊者  
唐碑本行書石或剝落金時不省而誤存  
爲莊莊爲漢諱未有不避者其他異同與  
范書可互校正故急表而錄之以告同志

鄭杳見宰相世系表北祖房官至婺州刺史劉肫亦見表彭城房官至汴州刺史阮元

學經室文集

案遺文軼事無年次可考者竝附於此秦燔書滅學賴漢儒掇拾收集羣經復出孔門之微言大義三代之典章制度得不盡泯於世漢儒注經之力爲多大司農北海鄭公康成生東京之季集漢學之成初師事京兆第五元又師東郡張恭祖後乃

因盧植師事扶風馬融在位通人處逸大  
儒咸從捧手於易先通京氏後傳費氏於  
書傳杜林古文於詩先通韓氏後遵毛氏  
於禮經本傳小戴今文之學兼習淹中古  
文周禮采杜子春及二鄭之說禮記依盧  
馬之本春秋則有評論略說發公羊墨守  
鍼左氏膏肓起穀梁廢疾其餘論語孝經  
孟子爾雅皆有注解由其於兩漢經師之  
說綜括靡遺而又網羅百家博稽六藝證

其同異辨其是非故所注各經歷代遵習  
有六朱子九派膺鄭學嘗於論孫父在爲  
祖承重服得鄭志天子諸侯之服皆斬一  
條口向使無鄭康成此事終未有斷決於  
論井田則曰周禮有井田之制有溝洫之  
制今永嘉諸儒欲混爲一不可通鄭氏注  
分作兩項極是所作儀禮經傳通解全錄  
鄭注至其傳詩已自異於先儒而采鄭說  
猶多蓋鄭氏之有功於經大矣范史作傳

以多漏略於三禮則止載儀禮禮記注而  
周禮於三傳則止載發墨守等書而春  
秋左氏分野春秋十二公名詞而未錄孟  
子注見隋唐志爾雅注見周官疏而本傳  
俱未載入培輦春闈報罷將出都門墨莊  
宗兄邀宿齋中度夏閒暇無事遂蒐取各  
書異後漢書本傳參考補其缺略成鄭公  
傳考證一卷於太平廣記中得別傳云康  
成永建二年七月戊寅生墨莊以順帝紀



是年七月書甲戌朔推之知戊寅爲七月五日余因謂<sub>以</sub>蓋曰昔臧榮緒以庚子陳<sub>之</sub>遂有生日之視近人多爲歐陽二蘇作生日若鄭公之有功聖經詎出歐蘇下今國家表章絕學改革前典旣已復祀鄭公兩廡吾儕於其生日私致芹藻之敬不亦可乎

胡培翬研六室文鈔

已下皆藏

王士正遷國子監祭酒疏請增從祀諸儒謂田何當漢初受易商瞿有功聖學宜增

祀鄭康成注經百餘萬言史稱純儒自唐  
宋已來從祀至張孚敬改祀于鄉宜復祀  
其後鄭氏竟得復祀由士正言也

孫星衍  
平津館

文稿

既有王文簡公原疏在後此條即  
不應前列惟隨見隨補亦姑仍之

竊惟至聖之道萬古爲昭兩漢以來諸儒  
凡發明經傳踐履純正者皆得從祀兩廡  
俎豆千秋典至隆也臣查現在從祀先儒  
外歷代諸儒有功聖門尙有當酌議增祀  
者敬爲我皇上陳之漢儒功在傳經如

書詩春秋三禮授經諸儒皆已從祀而易  
獨無之案田何當漢初授易實爲聖門商  
瞿嫡系此漢儒之當補祀者也鄭康成博  
稽六藝所著詩禮諸經百萬餘言史稱純  
儒唐宋以來皆列從祀明嘉靖間始以張  
孚敬之議改祀于鄉公論久鬱此漢儒之  
當復祀者也云云伏祈睿鑒敕下禮部議  
覆施行王士正漁洋文集卷十三

前者伏讀

皇上詣學聖諭命議孔廟從

祀諸賢有先罷而今宜復者有舊缺而今  
宜增者表章先儒昌明正學惟 盛世有  
此 盛典然採擇明備以仰副 聖天子  
加意道術之至意則實有望於主持風教  
之君子焉竊嘗考之漢儒馬鄭諸子昔人  
以其有功經學從祀有年矣有明中葉有  
起而議其人者於是黜戴聖劉向賈逵馬  
融何休王肅王弼杜預八人而鄭眾盧植  
鄭康成服虔范甯五人改祀於鄉夫馬融

王肅諸人罪有大小然指其過而黜之不  
爲無因五人者何罪哉孔孟不傳之絕學  
至宋而後大明漢儒不足以窺其奧然於  
諸子百家淆辭雜出之時而獨抱遺經固  
已聖人之徒矣至論其爲人則鄭眾奉使  
不辱史稱其在位清正盧植抗董卓追少  
帝忠節凜然鄭康成著述尤盛至使黃巾  
下拜亦豈芟芟小儒云爾哉乃以尊宋儒  
而盡絀漢儒其見不無少偏已黜而當議

復者此五人是也云云且閣下以名賢秉

軸有總持公論之任不可不垂意採擇總

憲朱公當代偉人司農張公文章宗匠在

班行實主斯議任由敦上徐大倫從祀書

乾隆六十年乙卯立奉祀生

嘗博綜遺經仰述往哲行藏契乎孔顏微

言紹乎游夏則漢大司農高密鄭公其人

矣公當炎祚陵夷清流沈錮泊然抱道遠

清賁典卻謝車服隱德彌修所學易書詩

禮春秋論語孝經箋注百餘萬言石渠會  
議無以逮其詳貫扶風教授不足擬其旨  
趨又嘗比核算數甄極絃緯兩京學術用  
集大成天下師法久而彌篤固不以齊魯  
域焉今 皇帝惇崇儒術表章經學纂定  
三禮義疏多采鄭說是以海內學人翕然  
依嚮言性天道無敢騁其虛悟禮度書文  
靡不通其原本庶幾孔壁簡策得以訓詁  
儒生耳目未傷瞽瞍被公之教斯爲至矣

公墓祠在高密縣西北濰水東岸四牡結  
轡于鄭公之鄉高車並軌于通德之門是  
北海太守孔文舉所開建也元以視學泣  
止斯土展省祠墓圯隕實甚宰木不捍于  
樵采驚沙坐見其飛積越商漢碑未傳於  
著錄承節摹褐埋蝕于泥土遂乃倡摺紳  
之夙願鳩大石之工材始于乾隆五十九  
年冬十月二十六年秋八月成掘沙百尺  
門防易巖泉湧植樹四垣饗堂翼其南榮



聽事啟楹則長。更齋祀所止息也。茅廬棧  
欵則賢裔耕讀。便蠲除也。復將擢彼秀異  
用請于朝。以登俎。世世勿絕庶使大  
儒之祀不致忽。請之歎。治經之士無歉仰  
止之。讓居斯鄉者。績學砥行。感憤而起。不  
益偉與。爰樹樂石。表德刊銘。其辭曰。秦繼  
威經漢學。證聖於鑠。鄭公禮堂。寫定網括。  
衆典束修。懿行學徒。知歸異說。反正子雍。  
多毀仲翔。善諍日月。豈踰顏彼。敏收曠阜。

之旁澹流湯湯草銜有帶沙走無囊林薄  
新雉蔭彼堅牆廟貌聿崇祀事孔明長白  
之嶺別啟黌堂粵惟茲土司農之鄉

阮元

阮元  
學經

阮先生元任山東學政捐修高密鄭司農  
祠墓成擇其裔孫憲書請於禮部劄爲奉

祠生給田廬使耕且讀

張鑑雷塘庵  
主弟子記

嘉慶元年丙辰請立五經博士

署山東等處提刑按察使司按察使分巡

克沂曹濟兼管驛傳水利黃河兵備道孫  
谷呈詹事府詹事提督山東等處學政  
曹 爲咨請會奏事本司查 國家擇先  
聖賢之後置五經博士授以世職所以崇  
儒重道典禮優渥其制仿自明景泰時歷  
代增置至我 朝修明祀典自孔門十哲  
上溯周公旁及關雎下至宋儒皆爲置立  
五經博士至周至備考列朝五經博士之  
設或以制禮作樂或以身通六藝或以闡

揚道統惟漢代諸儒承秦絕學之後傳授  
經文經義去古不遠皆親得七十子之傳  
若伏生鄭康成其功在經學絕續之際較  
七十子爲難又迥在唐宋諸儒之上今世  
祠墓子孫現在本屬鄒平高密之境允宜  
會同貴院將二賢學行奏請 國家予以  
曠典以昭先賢傳道之報考尙書出於伏  
生壁藏又口授其義始有今文二十八篇  
顯於世及孔壁得古文書孔安國以今文

讀之其無今文可証者凡十六篇竟不能  
讀又無能注者謂之逸書存於故府今之  
孔傳梅賾所上非孔壁古文朱文公疑之  
是漢無伏生則尙書不傳傳而無伏生亦  
不明其義卽古文書後出孔壁無伏生之  
今文亦不能識讀則伏生一人爲唐虞三  
代微言道統之所寄今鄒平有宓氏諸戚  
有伏氏皆其後也鄭康成爲東州大儒於  
易書詩禮論語孝經皆有傳註 欽定諸

經義疏多引鄭註唐儒正義推闡其說宋  
儒章句沿襲其詞至乎三代禮儀服物典  
章周程張朱註解不出鄭註範圍亦或逃  
其精密故范史以孔書遂明稱之核其行  
事見於史傳亦無可議今其祠墓子孫現  
在高密前學院阮 曾加修葺又爲設奉  
祀生或以前代置五經博士重在道統不  
知道存乎經統本於堯舜禹湯文武伏生  
不傳尙書則道何所存統何所述東晉板

蕩經師失傳諸經之義豈能臆說賴鄭康  
成集漢儒之大成經義無康成則淵源中  
絕唐宋諸儒何由復知道統幸值我 國  
家久道化成興廢繼絕伏生鄭康成祠墓  
子孫適在東省地方官自宜陳請增置五  
經博士以爲世職維學院有激揚風化之  
責事關崇奉先賢本司不便專政爲此咨  
呈貴院挈本司銜名具稿上聞並祈指正  
裁奪賜覆施行

孫星衍岱南閣集

爲詳請增立先賢博士以昭曠典事查山東高密縣境內有漢大司農鄭康成祠墓後裔傳世久遠唐宋碑碣具存伏惟 國家崇禮先聖賢臣擇先代有功經學之儒德行純備者祀於黌舍並立其後裔爲五經博士自孔門十哲上溯周公旁及闕齋下至宋儒皆有世襲惟有漢一代諸儒或親得七十子之傳其功在經學絕續之際急應邀 異數以列於祀典恭逢我 皇



上崇儒重道嘉慶七年四月特奉 俞旨  
增設伏氏博士舉千古未有之曠典 恩  
禮至爲優渥本司道等敬考漢儒傳經之  
功惟鄭康成尤集其大成于易書詩三禮  
論語孝經俱有傳注其春秋三傳亦有糾  
何氏休授服氏虔之學是十二經注康成  
獨綜其全不止身通六藝恭繹 聖祖仁  
皇帝賢 高宗純皇帝纂定諸經義疏條  
例先引鄭注次及唐宋諸儒說義仰見

天亶聰明折衷至當又閱濂洛關閩四大  
儒章句語錄其天人奧旨不出鄭注範圍  
至於服物典章亦或遜其精密故正史以  
孔書遂明稱之核其行事不受袁紹辟命  
出處以禮尤合聖人仕止久速之宜幸逢  
我 國家久道化成興廢繼絕本司道等  
有守土之責明知鄭氏祠墓後裔確據所  
在未便久稽 盛典似應援伏氏博士之  
例并請爲鄭康成建立博士一體子以世

襲本司道等又查前任山東學政阮 於  
乾隆五十九年曾擇鄭康成後裔鄭憲書  
立爲奉祀生既係部咨准其奉祀則鄭氏  
實有嫡裔毫無疑義鄭憲書已故有弟憲  
章除查明譜系年貌繕冊附詳外擬合將  
議請建立鄭氏博士緣由會議詳請憲臺  
鑒核咨題

孫星衍平津館文稿

有唐貞觀十四年增定孔廟從祀者凡二  
十二人而植與康成實在其列當時敕撰

五經正義羣儒論議何止百家諸臣考定  
同異至詳且晰從祀之典獨取此二十二  
人亦可謂是非之公矣代厯千年未之有  
改至明嘉靖九年從輔臣張璁之議以盧  
植鄭康成等學未顯著罷其從祀逮我

聖祖仁皇帝推崇經學特復鄭康成之從

祀而盧植大儒迄今未有議者

抗世駿擬  
請復漢儒

盧植從祀議

西漢學士大都專治一經兼經者白韓嬰

申培后蒼孟卿膠東庸生瑕丘江翁而外  
蓋寥寥也至東漢而兼者漸多鄭康成出  
凡易書詩周官儀禮禮記論語孝經無不  
爲之注釋而又六藝七政有論毛詩有譜  
箴胎有諺許慎五經異議有駁臨孝存周  
禮有難何休之墨守膏肓廢疾或發或鍼  
或起可謂集諸儒之大成而大有功于經  
學者萬歲通天初州刺史史承節撰銘曰  
公之挺生大雅之懿囊括墳典精通奧秘

六藝殊科五經通義小無不盡大無不備  
此天下之公言也惟其意主博通故于三  
統九章大傳中侯以及易書禮緯靡不有  
述然其箋傳經自爲經緯自爲緯初不相  
雜第如七曜四游之晷度八能九錫之彌  
文三雍九室之遺制經師所未詳者則取  
諸緯候以明之蓋緯候亦有醇駁之不同  
康成所取特其醇者耳災祥神異之說未  
嘗濫及也或疑五帝之名近于怪然此在

漢時著之祀典者君子居是邦不非其大  
夫矧朝廷之典禮乎乃宋儒極口詆之沿  
及元朝隨聲附和至有以此罪之竟黜其  
從祀者其亦不仁甚矣不觀九峰蔡氏之  
書傳乎周天三百六十五度四分度之一  
此洛書甄曜度尙書考靈曜之文也黑道  
二去黃道北赤道二去黃道南白道二去  
黃道西青道二去黃道東此河圖帝覽嬉  
之文也而蔡氏引之於蔡氏乎何傷不觀

新安文公之注楚辭乎崑崙者地之中也  
地下有八柱互相牽制名山大川孔穴相  
通此河圖括地象之文也三足烏者陽精  
也此春秋元命苞之文而文公引之於文  
公乎何損乃一偏之論在漢儒則有罪在  
宋儒則無誅斯後學之心竊有未平矣況  
鄭氏之功文公成公未有異議乃一程敏  
政罷之非萬世之公論也竊謂宜復其從  
祀孔廟不當罷

朱熹尊曝書亭集卷六十一  
爽案已復從祀此議原



可不存然王文簡公之奏未必不由于此他日更有所得卽附于左不遑編次前後蓋憚於重刊爲此不得已之變例耳

鄭康成本高密人爲北海相孔文舉所賓禮故得志于濰焉康成生漢季四海蟬紛獨能安貧樂道絕意仕進何進辟之不就袁紹召之不赴前得免黨錮禍後得脫黃巾害彼于聖賢立身大節旣以較然無負其得從祀也固宜子曰有德者必有言明乎言者將以寫其心得也以康成之德又

加之學有根柢辭無枝葉故能彙粹儒先  
折衷掌故於易有解於詩有箋於儀禮周  
禮禮記各有專註當炤盡祖龍之後漢興  
數十年始除挾書律雖聖籍稍稍間出然  
出者既晚致令當年之老師宿儒半歸零  
落而後學之有志服古者復無由覩其全  
經而討論之夫以是終漢之世最稱訓詁  
之富有關於微言大義者獨康成一人而  
已康成諸書至唐始頒學宮康成之從祀

亦至唐始論定由唐而宋學者耳濡目染於康成之書未聞敢有肆無忌憚以顯舉其書而叛之也其顯舉其書而叛之者緣於王安石之創立新說以取士也蓋康成易解廢於唐已爲鄭書之一變也其不盡亡者幸猶散見於李鼎祚集解中耳自安石以其新說廢罷儀禮又爲鄭書之一變也其幸存者朱子集三禮通解推儀禮爲其本經凡引用詮釋率取之鄭爲多云明

制十三經頒學宮雖止用四子五經取士而十三經刊本猶在是鄭書亦不難揭日月以常新也夫一疏食一菜羹古人每飯必祭先代始爲飲食之人義取於不忘本也云爾曾令甲攸懸使學者讀其書而顧禁之祀其人乎康成之改祀於鄉也事成於嘉靖時之張璠實作俑於宏治時之程敏政敏政初創罷祀之議不得行於孝宗有璠爲之申明其議得行於世宗安知孝

宗朝之老成謀國不遠勝世宗朝之好持  
論而喜更張耶傳曰無諸已而後非諸人  
彼敏政者果何人也而敢輕詆前代經師  
乎史載敏政典宏治己未會試鬻題賣士  
給事中華景林廷玉劾之逮繫詔獄問黜  
舉子十餘人罷敏政官未出京卒嗚呼以  
如是之人而敢輕詆前代經師可謂不知  
量之甚矣敏政嘗著道一編舉朱陸緒論  
而顛倒年月謂其早異晚同姚江因之成

朱子晚年定論之錄以授泰州王艮龍溪  
王畿艮一傳爲顏山農再傳爲羅近溪畿  
一傳爲何心隱再傳爲李卓吾從來論之  
過於高曠者未久而不弊者也善乎東  
莞陳建之作學部通辯也其論敏政輕詆  
經師之非曰讀書未到康成安敢高聲議  
論其論敏政矯誣攷亭之妄曰君子不欺  
暗室而篁墩特著一書以欺天下推此其  
平生心術可知矣無怪乎主試事發而遂

至愧恨以死也豈鬼神惡其積欺而降之  
罰與案敏政左袒象山以詆鄭誣朱徒欲  
自便其空疎之楊腹恣爲狡獪之佞口耳  
渠所議罷祀改祀十謬七八卽如劉向當  
西漢末造疏論王氏條奏災異忠肝義胆  
千載以下讀之猶凜有生氣聰附敏政議  
斥之並不得祀於鄉毛舉細過汗蟻正直  
幾無復人心矣顧炎武日知錄曰嘉靖九  
年欲以制禮之功蓋其豐昵之失而逞私

妄議輒爲出入殊乖古人之旨夫以一時  
事之瑕而廢傳經之祀棄漢儒保殘守缺  
之功而獎末流論性談天之學于是語錄  
之書日增月異而五經之義委之榛蕪自  
明人之議從祀始也據日知錄所論誠爲  
深切著明矣宋史道學傳濂洛關閩得聖  
道之宗固屬前此所未有然試思四子五  
經所載天文地理陰陽律呂師田學校祭  
祀會同之類卽宋儒亦豈能外漢儒註疏



爲攷據乎是則康成註經之功當不在毛  
萇孔安國下焉可知也或曰東滙澤陳氏  
嘗言鄭解禮祖讖緯故敏政輩得緣其間  
而詆之也曰不然當經學旣明之日三尺  
童子皆知讖緯之不可竄入聖經也若當  
宋儒未出以前陳氏能自必其不惑於讖  
緯乎易曰君子慎始差若毫釐謬以千里  
此禮經解所引易通卦驗之文陳氏辨其  
爲緯書以求之周易經傳都無是言也但

是言相沿已久后蒼說禮數萬言不能使  
緯書不雜于曲臺記中必拘拘焉執祖讖  
緯爲康成疵等而上之不將並以雜人緯  
書竄亂聖經爲后蒼疵耶同一祖述緯書  
不疵后蒼而獨疵康成是亦情理之不得  
其平者也况鄭之箋註主於垂世立教初  
未嘗私爲己物圖以暴於世而博名也昔  
傳康成欲注春秋傳尙未成與服子慎遇  
宿客舍先未相識服在外車上與人言己

注傳意鄭聽之良久多與已同因就車與  
語曰吾久欲注尙未了聽君向言多與吾  
同今當盡以所注與君遂爲服氏注非學  
造大賢焉得具此心胸乎敏政以博利之  
徒而改不博名者之祀孰是孰非異日必  
有更爲論定者矣

乾隆萊州府志卷十  
三劉以貴鄭康成論

兩漢說經大師著述繁富莫如鄭君後漢  
書本傳云門生相與撰元答諸弟子問依  
論語作鄭志八篇凡所注周易尙書毛詩

儀禮禮記論語孝經尙書大傳中候乾象  
厯又著天文七政論魯禮禘祫議六藝論  
毛詩譜駁許慎五經異議答臨孝存周禮  
難凡百萬餘言今以隋經籍志唐藝文志  
核之惟乾象厯七政論不行於世其他諸  
書較本傳所載爲多然隋唐三志各有舛  
錯或誤並他人之書或不載鄭君之名不  
可不考正也玉海云唐志鄭元毛詩譜三  
卷隋志二卷太叔求及劉炫注今隋志毛

詩譜二卷但云太叔求及劉炫注載在徐  
整毛詩譜下不知是鄭君所撰之譜矣徐  
整亦非自撰詩譜釋文敘錄稱徐整暢太  
叔裘隱國史志云整旣暢演而裘隱括之  
是皆注鄭譜耳隋志不言鄭撰是其疎也  
新唐書藝文志云鄭元注戴聖禮記二十  
卷又禮議二十卷禮記引三卷攷劉昫舊  
志云禮記二十卷戴聖撰鄭元注又云禮  
義二十卷戴聖等撰杜氏通典政和五禮

新儀並言是戴聖撰無鄭元注新志連屬  
言之誤也新唐書藝文志云鄭元注古文  
尚書九卷又釋問四卷王粲問曰瓊韓益  
正舊志亦云尚書釋問四卷王粲問田瓊  
韓益正鄭元注蓋王粲有疑於鄭學而問  
鄭之弟子田瓊韓益釋之所問所正皆鄭  
氏之注故言鄭氏注以申明之後人誤以  
爲鄭元撰者非也他如周禮大宗伯賈公  
彥疏引爾雅鄭注云天皇北辰耀魄寶鄭

未注爾雅此不足據又朱子書河圖洛書  
曰大戴禮明堂篇有二九四七五三六一  
八之語鄭氏註法龜文也漢人固以九數  
者爲洛書也鄭康成無大戴禮註朱子誤  
以盧辨注爲鄭注耳又玉海附載忠經一  
卷馬融撰鄭元注崇文總目在小說此係  
僞書不足錄又劉克莊墨莊漫錄載漢宮  
香方鄭康成注尤謬妄也余向與惠定宇  
家鳳階共講鄭氏學各取書目考證之尙

多不全不備今歸田多暇輒復論定據後漢書本傳鄭志目錄晉中經簿梁七錄隋經籍志舊唐書經籍志新唐書藝文志參以宋藝文志崇文目玉海御覽釋文請書

畧訂其誤俾後之談鄭學者覽焉

王昶春融堂集

周易注

本傳有鄭志目錄有晉中經簿有梁十二卷隋九卷舊唐志九卷新

唐志十卷按玉海費氏之後易經上下離爲六卷繫辭而下五篇合爲三卷宋藝文志鄭元周易文言注義一卷蓋宋時惟存文言說卦序卦雜卦四篇合爲一卷餘皆逸也舊本十二卷後爲九卷新唐志云十卷者釋文所謂錄一卷也



年譜

易緯注

梁九卷隋八卷宋藝文志七卷  
乾鑿度通卦驗不在七卷內

乾鑿度注

李淑書目二卷  
宋藝文志三卷

通卦驗注

李淑書目二卷  
宋藝文志二卷

稽覽圖注

宋志一卷玉海永樂大典同通  
考二卷書錄解題三卷通志七

卷通志言七卷者合辨終備以下四卷及  
二卷三卷無標目者非謂稽覽圖有七卷  
也

辨終備注

玉海  
一卷

是類謀注

玉海  
一卷

乾元序制記注

玉海  
一卷

坤靈圖注

玉海一卷按玉海云今三館所

書而易緯鄭氏注七卷稽覽圖第一辨終

備第四是類謀第五乾元序制記第六坤

靈圖第七二卷

三卷無標目

尚書注本傳有鄭志目錄有晉中經簿有

恭祖受古文尚書唐志云

鄭元注古文尚書九卷

尚書義問

隋志梁有義問三卷鄭元王

尚書大傳注

本傳有鄭志目錄有晉中經

解題通考

並四卷

尚書緯注

梁六卷隋三卷唐三卷按唐志

其緯書不可考今畧  
檢諸書補其目於下

刑德放注

見御覽六百  
四十八卷

帝命驗注

見初學  
記九卷

考靈耀注

見藝文類  
聚一卷

璇璣鈴注

見王融策秀才文李善注以上  
緯書散見各書中頗多今畧舉

以概  
其凡

尚書中候注

本傳有鄭志目錄有晉中經  
簿有梁八卷隋五卷其名有

握河紀勅省圖我應雜師謀準纖哲合符  
后運衡觀期考河命義明霸免苗興契履

雜余命補

雜貳櫻廷

毛詩箋

本傳有鄭志目錄有晉中經簿有隋二十卷唐志云箋毛詩詁訓二

卷十

毛詩譜

本傳有鄭志目錄有新唐志三卷舊唐志二卷宋三卷歐陽修補七

隋志二卷即鄭譜不注鄭元撰者誤

詩緯注

唐三卷

儀禮注

本傳有晉中經簿有隋十七卷唐同

周官禮注

晉中經簿有隋志十二卷唐十卷按本傳云從張恭祖受周

官禮記

儒林傳云馬融作周官傳授鄭玄

承節撰

鄭司農碑云注儀禮禮記唐史

禮周官禮記較爲詳備矣

民國甲戌年譜

江都朱氏

答臨孝存周禮難

本傳有鄭志目錄有鄭

臨正義作林孝存

史承節碑作孝莊

禮記注本傳有鄭志目錄有晉中

魯禮禘祫議

本傳有

喪服經傳注

隋一卷

喪服變除注

唐志一卷此戴德所作鄭君注之孔疏亦多引喪服變除

脫一

喪服譜

隋一卷唐志作喪服紀一卷

三禮目錄

隋一卷唐同梁有陶宏景注亡

三禮圖

隋九卷同侍中阮謨等撰

禮緯注

隋志云三卷七今取其可考者補其目

斗威儀

見文選七故李善注

含文嘉

見御覽一卷

禮記默房注

梁三卷隋二卷

左傳注

本傳云從張恭祖受左氏春秋邢昺孝經疏引六藝論敘春秋云元

又爲之注劉孝標世說云鄭注春秋傳未成盡以與服虔爲服氏注

鍼左氏膏肓

本傳有鄭志目錄有唐志十卷

釋穀梁廢疾

本傳有鄭志目錄有隋志三卷唐同

發公羊墨守

本傳有鄭志目錄有新唐志一卷舊唐志二卷

駁何氏漢議

隋二卷唐志云何休春秋漢議十卷鄭元駁

春秋左氏分野

梁一卷

春秋十二公名

梁一卷

孝經注

本傳有隋一卷唐一卷太平寰宇記作鄭小同撰者非

論語注

本傳有晉中經簿有隋十卷又九卷唐十卷

論語釋義注

舊唐志十卷新唐志一卷

論語孔子弟子目錄

隋一卷唐志作論語篇目弟子一卷

孟子注

隋七卷唐同

六藝論

本傳有鄭志目錄  
有隋一卷唐同

駁許慎五經異義

本傳有鄭志目錄  
有唐十卷

答甄守然書

鄭志目錄有史  
通作甄子然

乾象歷法

本傳有鄭志目錄有

天文七政論

本傳有鄭志目錄有

日月交會圖

梁一卷又有日月本  
次位圖疑亦鄭注

九宮經

隋三卷

九宮行基經

隋三卷

九旗飛變

舊唐志一卷鄭  
元撰李淳風注

年譜



漢律章句

晉書刑法志魏時承用漢律叔孫宣郭令卿馬融鄭元諸儒章

句十有餘家家致十萬言於是下詔但用鄭氏章句不得雜用餘家

鄭元集

梁二卷錄一卷唐二卷近虛見曾輯鄭司農集一卷然缺佚者多如

玉海所引之三禮序論語序詩芣苢疏所引之尚書中候序皆不可得矣

樂緯動聲儀

諸書皆不言鄭有樂緯注然考御覽一引樂緯動聲儀有

鄭元注則鄭君自注樂緯信矣

鄭志

鄭小同撰本傳有隋十一卷唐九卷

鄭記

鄭元弟子撰隋六卷唐同

尚書音

隋經籍志云梁有尚書音五卷孔安國鄭元李軌徐邈等撰釋文敘

錄云漢人不作音後人所托

毛詩音

舊唐志毛詩諸家音十五卷鄭元等注釋文敘錄載鄭元等九人

禮記音

梁一卷舊唐書二卷新唐志二卷曹耽解釋文敘錄一卷

周官音

舊唐志三卷新唐志同釋文敘錄一卷

儀禮音

梁二卷釋文敘錄一卷

爽按右目尚有詩汎歷樞禮稽命徵春秋元命苞春秋運斗樞春秋緯孝經鈞命決河圖始開圖河圖稽耀鈞河圖稽命徵河圖錄運法河圖括地象雜書甄曜度雜書靈准聽雜書各注爲春融堂集所未載

讀古人之書必知其人而論其世則年譜要

矣年譜之學昉於宋世唐賢杜韓柳白諸譜皆宋人追述之也經術莫盛於漢北海鄭君兼通六藝集諸家之大成刪裁繇蕪刊改漏失俾百世窮經之士有所折衷厥功偉矣而後人未有譜其年者庸非缺事乎海寧陳君中魚始據本傳參以羣書排次事實繫以年月粲然有條咸可徵信洵有功於先哲者矣予嘗讀戒子書云公車再召比牒并名早爲宰相殆指荀慈明而言慈明委蛇台司未有

匡時之效史家雖曲爲申釋視北海之確鑿  
不拔者相去遠矣有濟世之略而審時藏器  
合於無道則隱之正此大儒出處所由異乎

逸民者流與子因敘此譜而推及之

錢大昕潛研堂

文集 輿按唐人集有年譜者皆宋人爲之  
留元剛之於顏魯公洪興祖方崧卿之於  
文公李璠何友諒之於白文公耿秉之於李衛公是也

錢大昕十駕齋養新錄孔融爲北海相告烏  
密縣爲鄭康成特立一鄉名鄭公鄉其推許  
甚至而太平御覽載融與諸卿書云鄭康成

多臆說人見其名學爲有所出也證案大較  
要在五經四部書如非此文近爲妄矣若子  
所執以爲郊天之鼓必當麒麟之皮也寫孝  
經本當曾子家策乎見御覽卷六百八予謂此必非  
孔文舉之言殆魏晉以後習王肅學者僞託  
耳晉荀勗中經薄始有四部之分文舉漢人  
安得稱四部書且鄭君注三禮初無麒麟皮  
冒鼓之說也范蔚宗書及章懷注皆無此語  
不可執無稽之談以誣盛德

者也且陳澹集說其詳明者皆采鄭注  
其簡略者卽自以意爲刪改是用鄭注則  
集說之精華已備用集說則昔賢之訓詁  
半淪近奉到部咨春欲一經奏定改用三  
傳凡士子有志讀書者無不歡欣踴躍爭  
自濯磨臣愚昧之見可否禮記改用鄭注  
俾諸生通曉全經兼明五禮似於讀書往  
已皆有裨益未審有當與否

洪亮吉卷施  
閣文甲集

姚瑩寸陰叢錄范書鄭康成本傳袁紹舉

元茂才表爲左中郎將皆不就公車徵爲  
大司農乃以病自乞還家五年春夢孔子  
告之曰起起今年歲在辰來年歲在巳旣  
寤以讖合之知命當終有頃寢疾時袁紹  
與曹操相拒於官渡令其子譚遣使逼元  
隨軍不得已載病到元城縣病篤不進其  
年六月卒傳文如此是其病卒于元城甚  
明矣及考三國志袁紹傳注引九州春秋  
曰紹延徵北海鄭元而不禮趙融聞之曰

賢人者君子之望也不禮賢是失君子之望也夫有爲之君不敢失萬民之歡心况於君子乎失君子之望難乎以有爲矣又引英雄記載太祖作董卓歌辭云德行不虧缺變故自難常鄭康成行酒伏地氣絕郭景圖命盡於圍桑如此之文則元無病而卒餘書不見故載錄之余按此裴松之之言也據曹操董卓歌辭以康成無病而卒與范書本傳大異余意曹操與袁紹相



持操勢非紹比而禮賢下士紹志得意滿  
驕慢賓客雖知康成名德爲時所重然微  
之而不能禮且用兵官渡非用經儒之時  
乃使其子強逼康成隨軍豈禮賢之道乎  
康成遂以其時病卒故操聞而作歌以甚  
紹之惡使失人心董卓以比袁紹也乃謂  
康成行酒而伏地氣絕豈其然乎阿瞞詭  
詐之言固未足信裴乃引之以爲康成無  
病而卒非也故當以范書本傳爲實既至

元城不進何緣爲人行酒乎不惟誣袁紹  
并污康成蓋恨其就紹而不附己耳康成  
家北海之高密地屬青州刺史初爲北海  
太守孔融所禮及後紹以其子譚爲青州  
攻逐孔融就其家強逼之行袁曹皆非漢  
室良臣康成豈肯有所附耶余故表出而  
辨之

跋

先君曾輯漢學堂逸書考二百八十餘種又蒐輯鄭氏之學成高密遺書十餘種刊成值兵燹版皮樊汶鎮僧舍者二十餘年迨先兄以資購版歸方擬補其闕佚旋卽謝世澧深懼日久鋟版散佚因檢見存卷帙完全者有年譜尙書大傳注毛詩譜荅臨孝存周禮難魯禮禘祫議喪服變除三禮目錄駁五經異義孝經解論語篇目弟子論語注計十一種

先以印本傳世其餘所闕俟將來再爲補刊  
焉

光緒十九年仲夏孤澧謹跋

乙丑孟夏同邑素交王君翕廷鑿以所作黃  
氏逸書考敘文見示是書爲甘泉黃右原先  
生所輯右原先生籍隸揚郡上世業饒淮南  
先生生於華廡而修學好古有同寒素曾執  
經同邑江鄭堂先生之門鄭堂先生漢學師  
承記其所刊也讀書之餘好索隱輯佚著有  
逸書考數百卷隨得隨刊甫印樣本卽值洪  
楊之亂揚郡遭兵燹板存蕭寺亂定後右原  
先生卽捐館先生哲嗣輝山叔符兩君繼述

先志思以印本行世以廣流傳而板片已散  
失數十種其存者亦多殘闕失次雖外間間  
有印行本而書名更易亦非原舊輝山叔符  
又復相繼下世幸得翁廷與秦君曼青暨翁  
廷孫承霖蒐訪叢殘於嘉灰蟲蝕之中補其  
缺佚始爲完書獲見廬山眞面焉蓋去右原  
先生之刊是書已將近百年矣甚矣名山大  
業傳世之不易也至此書卷帙之聚散書名  
之更易版片之購覓殘缺之脩理補刊之校

譬以及完全原書類目篇數翁廷序文與凡  
例言之詳矣故不復云劉富曾謙甫跋

甘泉黃右原孝廉諱以譽爲刑部郎又因大

京兆吳梅梁傑爲舉主得

賜舉人京兆予門生也右原以門下晚學生來謁己亥後屢問學予見其所言四庫諸書大畧皆能言之與講漢學知其專于鄭高密一家元元本本有高密遺書之輯余詫之以爲其家以貨殖爲事柳子厚所云爲世所嫌安能知所謂高密鄭公者詰其所學必有所來右原乃言幼讀書爲舉業入安定書院曾



賓谷先生異之曰爾勿爲時下學余薦老師

宿儒一人與爾爲師乃甘泉江鄭堂子屏

藩

也右原以重脩禮延之館其家從之學右原  
質本明敏又專誠受教四年子屏老病卒獨  
學又十餘年日事搜討從漢唐以來各書中  
得高密遺書盈尺之稿稿本有已刻者六  
論周易註尙書註尙書大傳注毛詩譜箴膏  
盲釋廢疾發墨守喪服變除駁五經異義答  
臨孝存周禮難三禮目錄齊禮禘祫義論

注鄭志鄭記等爲高密遺書十數帙其尙書  
義問等書及緯書未刻者尙十數帙其稿皆  
巾箱小本細書狹行朱墨紛雜偶得一條卽  
加注貼籤且寫且校其有他人已先輯者與  
自所輯者亦各自有分別吾于是慨然高密  
之學矣高密起兩漢之末開六朝之先唐宋  
且勿論矣三禮之注毛詩之箋至今全備炳  
如日星高密本有不能禮堂寫定傳與其人  
之歎然片言隻字散在各書明目細心者尙

可追尋皆袁紹逼會都昌赴難之殘燼聖經  
賢傳之緒餘朱子得其一義即可正朝廷之  
大禮開禮經綱目之先路拾殘補逸可謂博  
且勤矣右原乞爲序子因子屏爲予早年益  
衷所教之弟子多年有此成書耄年猶及見  
之是以樂而叙之

子屏嘉慶初年入京師予薦館玉韓城師相  
家備查列

御製詩注之事終落魄歸揚州饑驅至嶺南

予延總纂廣東省通志數年書成余調任雲南遂歸揚州不再相見子屏隨手揮霍雖有陸賈裝無益也今其所在粵自刻補惠氏周易述子又刻入

皇清經解子屏自刻漢學師承記子屏之師爲余古農古農爲惠松厓先生之弟子

四庫收其古經解鈎沈會館子屏家此子屏昔所告予者并識之賓谷先生所謂老師宿儒誠是也

道光癸卯七月五日

賜進士出身太子太保

子告大學士

賞壽八秩通家侍生阮元筆